


«La finamira principala dils Lions ei da segidar»

La fiasta da certificaziun dil niev «Lions club Origin dil Rein» ha giu liug a Mustér

DA SUSI ROTHMUND / ANR

■ «Lions Club Rheinquelle» ni per romontsch «Lions club Origin dil Rein» secloma il niev club da Lions che ha festiavu la sonda sia certificaziun ella sala gronda dalla claustra a Mustér. Varga 70 hosps dils clubs vischionts, mo era dalla Bassa e digl exteriur, han dau suatientscha agl invit dils 33 «novs liuns» che habiteschan ella vischinonza dalla Tgina dil Rein. Presidius vegn il «Lions club Origin dil Rein» da Martin Tomaschett da Trun che segna, ensem cun Christian Schnoz e Pius Condrau primier da Mustér, era sco fundatur dil secund club da Lions en Surselva. Lentschatta digl onn vargau fuva lur finamira argnamin quella d'anflar e motivar dapli commembers pil «Lions club Surselva». Damai che la gronda part dils commembers da quel deriva dalla part sut dalla Surselva levau ei slargar empau il cerchel. La fin finala ein els fruntai sin aschi grond interess ch'ei fuss stau memia bia candidats per integrar tuts el club existent. Perquei han ils iniziants decidu da fundar in ulteriur club. «Miu pensum ei ussa quel da metter sin buna via in bien club e d'intermediar a nosssas commembras ed a nos commembers il spèrt dils Lions», ha il medii da casa da Trun declarau en in discurs cun l'Agentura da novitats rumantscha. La finamira dils Lions seigi da s'inscuntar ina ga al meins a caschun da meetings e referats che dueignen haver liug en tempra da collegialitad, respect vicendivel ed amicezza. «We serve – nus survin – ei il credo da tut ils Lions e scapescha era nies motto central. Sper ils projects internaziunals dils Lions lein nus s'engaschar per projects so-



A caschun dalla sera da gala ha Martin Tomaschett (dretg), il president dil niev «Lions club Origin dil Rein», retschert massa auguris. Denter auter era dil Lions club Lugano entras Robert Humbel (sen).

ciala ella regiun», ha Martin Tomaschett declarau. Cun activitads ed occurrenzas da benefeci vegli il «Lions club Origin dil Rein» rimnar daners per segidar leu nua che las differentas instanzas possien buca far quei ni leu nua ch'il sustegn da quellas basti buc. «Nus lein gidar leu nua che negin auter segida.» Ei detti gia enzacontas ideas, mo nua e co ins vegli exact gidar seigi aunc da discutir e sclarrir.

Buc in club elitari
Lions ein dunnas ed umens che s'engaschan en lur temps liber per survetschs humanitar. L'organiziun da voluntaris ei vegnida fundada il 1917 ed ei l'organiziun da survetsch auxiliar la pli gronda dil mund che agescha tenor il motto «nus survin». Ils fundaturs dil niev club da Lions vesan era plirs avantats per la regiun. Quel entschivei gulla discussiun el ravugl da differentas personalitads oriundas dad Andermatt tochen Glion. Quellas persunas en differentas posiziuns e mistregns hagien era diversas influenzas. «Quei effectuescha ina formaziun d'opiniuns che representa ina gronda part dalla populaziun ed ei consequentamein ina contribuziun al svilup general», ha il president dil niev Lions club puntuat. Politicamein e religiosamein seigi il Lions club neutrals. L'anr ha vuliu saver sch'ei retracti d'in club elitari.

tads oriundas dad Andermatt tochen Glion. Quellas persunas en differentas posiziuns e mistregns hagien era diversas influenzas. «Quei effectuescha ina formaziun d'opiniuns che representa ina gronda part dalla populaziun ed ei consequentamein ina contribuziun al svilup general», ha il president dil niev Lions club puntuat. Politicamein e religiosamein seigi il Lions club neutrals. L'anr ha vuliu saver sch'ei retracti d'in club elitari.

«Lesses era vegnir commembra?», ei stau sia cunterdamonda. Ei seigi bein aschia che clubs da Lions hagien magari in tef elitar: «Nus essan denton absolutamein buc elitar», ha Martin Tomaschett aschuntau. Derivonza, mistregn ni posiziun hagien negina influenza sch'enzagti lessi daventar commember. Ils novs clubs da Lions prendien era si dunnas, tier ils clubs pli vegls seigi quei aunc buc il cass. Tenor Martin Tomaschett scapescha quei denton da sesez. Las dunnas seigien ina impurtona part dalla societad.

Il liun dil cuolm

Il padrinadi pil «Lions club Rheinquelle» ha il Lions club Tusaun surpriu. Lur incumbensa ei d'accompagnar ed integrar ils novs Lions el ravugl dils Lions e da segidar tiel empress pass. «Damai che nus vivin alla tgina dil Rein havein nus eligi quei num», ha Martin Tomaschett detg. Ei seigi per els buca sulet in punct geografic en ina magnifica cuntrada sisum la Surselva. La tgina dil Rein seigi circumdada d'in mitos misterius e vali sco colligiun tiel Gottard cun sias quater fontaunas e culturas. Ei detti aunc massa ulteriurs aspects che colligien ils novs Lions culla Tgina dil Rein. Pil num romontsch Origin dil Rein seigien ei sedecedi perquei che quel seigi pli bein capevels sin palancau internaziunali. Tgina capeschi probablamen negin, origin denton bein. Sco logo ha il niev club da Lions eligi il tga d'in liun cun ina expressiun strentga e segira. «Quei tga representa el medem mument il cuolm nua ch'il Rein mescha, la cavellera ei designada sco l'aua dalla fontauna e tut ei tenu en blau», ha il president dil niev Lions club puntuat. Politicamein e religiosamein seigi il Lions club neutrals. L'anr ha vuliu saver sch'ei retracti d'in club elitari.

www.le-rheinquelle.ch

Far gust da serender sin pista

300 giuvenils han gudiu in di gratuit da skis e snowboard a Lai, Laax, Mustér ni Sedrun

DA HANS HUONDER / ANR

■ Il di da skis e snowboard gratuit la sonda vargada ei staus il highlight dil project «Gorilla» dad uonn. 400 affons e giuvenils dall'entira Svizra han gudiu in di gratuit els territoris da skis a Lai, Laax, Mustér ni Sedrun. Ils organisaturs ein cuntents cun quella acziun per la promozion dil sport sin neiv. Il diember da persunas – oravontut affons e giuvenils – che nezegia l'infrastructura dil sport sin neiv en Svizra, serducescha dapi entgens onns. La relaziun cun ils territoris da skis e snowboard maunca oravontut tier ils giuvenils dils marcaus. Per animar ils affons da far dapli sport ei il project «Gorilla» vegnius fundaus avon rodend diesch onns. Igl empreh ha quel giu la finamira d'animar affons e giuvenils da far sport duront la stad, pli tard ha el era entschiet a sededicar dalla medema finamira igl unvier. Il medem mument duein ils affons e giuvenils intervegnir dapli davart in nutrimen saun. La finamira primara dil project ei da procurar ch'els hagien dapli moviment el temps liber. Gest igl unvier ei quei in problem. Cheutras pitescha la sanadad. Quella problematica ei dil reminent il mument era part dall'agenda politica, mo era da differentas instituziuns. Ina iniziativa correspondent ei d'apresent sin meisa tier igl Uffeci federal per sport. Sin incarica dall'Associaziun dallas pendicularas dil Grischn, che ha scapescha era fatg persenn la problematica ils davos onns, s'engascha Grischn Vacanzas ellas acziuns che pertuecuan igl unvier e quei en cooperaziun cun la «Schifti Foundation» ch'ei dapi l'entschatta dalla partida tiel project «Gorilla».

Differentas acziuns
Il project che pertueca las activitads dil sport sin neiv ei dividius en differentes arranschaments che serepartan sigl entir unvier. Affons e giuvenils dall'entira Svizra san separticipar allas concurrenz e gudignar attractivs premis.

Denter auter vegn purschiu camps gratuits da skis e snowboard dalla fin d'jamma, camps dad in di per ina entira classa da scola ni era occurrenzas da «Meet & Greet» cun il profi da snowboard Nicolas Müller. A quellas occurrenzas vegn mess a disposiziun gratuitamein als affons e giuvenils cartas d'ir cun skis, equipment sco era il viadi els loghens dils territoris da skis. Medemamein san singulas cartas dil di vegnir gudignadas. Sin quella moda emprehens il victur dils premis d'encuntescher ils territoris da skis egl entir can-

tun Grischn. Sco quei ch'il collaborator dil project tier Grischn Vacanzas, Mike Frei, di, han rodend 400 persunas gudiu igl onn vargau in arranschament ni l'auter. Uonn quenta el cun totalmein rodend 600. Partenaris dil project ein era las Scolas svizras da skis e snowboard Grischn sco era Swissnet ed igl Albiert svizzer per giuvenils.

Divertiment e propaganda
Sco quei che Mike Frei constatessa ei il sport sin neiv per biars affons e giuvenils memia cars, auters han semplamein buc anflau igl access a quel. Las acziuns duein porscher quella pussivladad silmeins ad ina part da quellas e quels che vulan serender en in territori da skis. La sonda vargada han rodend 300 gudiu quei di da sport sin neiv u a Lai, Laax, Mustér ni Sedrun. Ad affons e giuvenils ella vegliadetgna da 10 entochen 20 onns ei vegniu mess a disposiziun bigliets pil viadi els loghens, las cartas dallas pendicularas ed igl entir equipment. Leutier ein las entschivedras ed ils entschiveders vegni instrui da scolastas e scolasts da skis e snowboard. Ils versai han saviu far lur empremas experientas era ordeifer las pistas. Mike Frei ei cuntents cun la participaziun: «Gudignau quella purschida gratuita havevan en sesez rodend 400 affons e giuvenils. Nus essan denton cuntents cul diember ch'ei la fin finala separticipaus.» Sco quei che Mike Frei di metta l'associaziun dallas pendicularas a disposiziun 100 000 francs per las acziuns da promozion da quest unvier. Ulteriurs mieds finanziari derivan dils auters iniziants e partenaris.



Ina grupa d'affons e giuvenils semtgada pii di da sport sin neiv. Mike Frei (second da dretg) selegra dalla participaziun. FOTO H. HUONDER